



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Antonii Bynaei de Calceis Hebraeorum Libri Duo

**Bynaeus, Anthony**

**Dordraci, 1682**

Ex Lunæ cultu ortus.

**urn:nbn:de:hbz:466:1-12835**



sunt *lunulae*, ornamenti genus, à  
Lunæ similitudine dictum, uti vi-  
dere est in magno opere doctissi-  
mi Buxtorfii. Consentiant Judæo-  
rum magistri qui vocem שְׁרוּנִים  
exponunt תְּלוּ כְּמוֹת יָרֵחַ ornamenta  
ad similitudinem Lunæ. Quam fig-  
nificationem plerique eruditi He-  
brææ Linguae interpretes expri-  
munt. Rectissime sane. Etenim  
שְׁרוּנִים nihil aliud fuerunt quam  
ornamenta aurea ad Lunæ similitu-  
dinem concinnata, qualia non tan-  
tum Midianitarum Reges, verum  
etiam ipsorum cameli gestarunt,  
eodem modo uti in Parthenopæi  
equo apud Statium:

Buxt. Lex.  
Talm.

Stat. lib. 9.  
Theb.

*Factantur niveo lunata monilia dente.*

Eodem ornamento uti consueve-  
runt Arabes, & ab Arabibus ad  
Turcas propagata est hæc religio.  
Cujus rei origo non est obscura.  
Primam gentium Idololatriam à  
Solis atque Lunæ & cœlestis ma-  
chinæ cultu cæpisse jam diu ani-  
madversum est à viris doctissimis.  
Videri possunt quæ Johannes Sel-  
denus, Angliæ suæ decus, &  
Gerhardus Johannes Vossius, Ba-  
taviæ

Seld. de  
Dis. Syris  
prol. 3.  
Voss de  
Idolol.



## 210 De CALCEIS HEBRÆOR.

taviæ nostræ magnum ornamento, præclare docuerunt. Inprimis inter Arabum & Saracenorum & aliorum Orientalium Deos Luna fuit in summo honore. Fuerunt enim hæ gentes à vetustissimis temporibus Lunæ cultui perquam deditæ. Hinc in ejus honorem aurea monilia habuerunt, quæ ad Lunæ similitudinem concinnata erant. Plane uti etiam num, qui Ecclesiæ Romanæ nomen dederunt, in honorem crucis aureas cruces inter monilia habent. Unde & Johannes Seldenus originem arcessit moris Muhammedanorum, qui summis turrium & Moschitarum fastigiis lunulas imponunt, ut cruces Christiani, quod in honorem Lunæ à Muhammede vetustioribus Hagarenis atque Saracenis factum putat, à quo antiquissimo ritu exceperet Muhammedani, contra ac vult vir illustrissimus Josephus Scaliger, qui id fieri in Hegiræ Muhammedanæ, hoc est fugæ Muhammedis ex Mecca memoriam, quæ biduo post verum Lunæ coitum, in initio nempe Mensis Muharam, & anni

Seld. de  
Dis. Syris.  
Syntagm.  
2<sup>a</sup> cap. 4.

Scal. de  
Emend.  
Temp. lib.  
2. & 3.  
Canon.  
Isagog.